


**Seni Preseten
Henry B. Eyring**
Aewin Chon Aninis non
ewe Aewin Presetensi



Ewe Anean ren Tong Ese Much An Famini

Ren meinsin ekkewe niffang Samach mi tong won Nang a awora ngeni Noun kewe, ewe akkauchean Ewe manau ese much (nengeni D&C 14:7). Ena niffang ach sipwe nom fan mesen Kot ewe Sam me Noun we Achengicheng feinfeino non famini. Non chok ewe mi tekia me nein ekkewe muun Kot, ewe muun celestial, ewe chufengenin tong an nonnomun famini epwe sotosopono.

Kich meinsin sia aneanei ewe pwapwa ne nom non famini mi murinno. Ren ekkoch me neich, ew memmef sise mwo sisinei—ew memmef sia sinei mi tufich nge sise mwo sineochu. Meni sia fen kukuna me non manauen ekkoch. Ren ekkoch me neich, tongen famini a kon fatafatoch me auchea nupwen mano a eimufesenikich seni emon semirit, emon inenap, emon semenap, emon pwich, emon fefinach, ika emon me nein samach ika inach chinap.

Sia fen mefi ewe anean pwe ew ran sipwe tongeni mefi sefani ewe pwichikaren tong an chon ach famini sia fokkun tongei me iei sia ani riaffoun ach sipwe pwan mefi sefani.

Samach mi tong won Nang a sinei netipach. An popun pwe epwe ngenikich pwapwa (nengeni 2 Nifai 2:25). Iwe nge I a wato ewe niffang ren Noun we an epwe fori an epwe tufich ren ewe pwapwan chufengenin famini ewe mi sotosopono feinfeino chok. Pokiten ewe Chon Amanau a muti ewe ririn mano, kich sipwe manausefan. Pokiten I a mano fan iten ach kewe tipis, sia tongeni, ren ach nuku me aier sefan, ach sipwe winiti nimenimoch ren ewe muun celestial, ikewe famini ra chufengen non tong feinfeino chok.

Ewe Chon Amanau a tinano ewe Soufos Elijah ngeni Joseph Smith an epwe eniwinsefani ekkewe kien ewe pristut (nengeni D&C 110). Ren ekkei ki a feito ewe manamenen riri fengen, awora an Kot auchenapen niffang ngeni Noun kewe—manau esemuch non famini ra chufengen feinfeino chok.

Ina ew niffang meinsin noun Kot mi feito non ewe fonufan repwe mochen angei. Ew na unungatin noun kewe semirit non pekin ngun rese etiwa An ewe niffang non ewe nenien ngun. Sipenuk seni feiochun nukuchar iwe mwirin a u ngeni, ra finata ar resap tongeni sinei ewe pwapwan an Samach Kot won Nang ewe niffangen famini fochofoch.

Ren kich kewe sia pasini ewe auchean tes me non ewe nenien ngun me sia tufich ach sipwe angei ewe niffangen inis, ewe wachimuken finata ren manau ese much mi chok chiwen ach ren ach sipwe fori. Ika sia feioch ach sipwe kutta ewe kapas allim, sia tongeni finata ach sipwe fori me aponueta ekkewe pwon ngeni Kot me atufichikich ngeni manau ese much. Nupwen sia nikitu non ena nukunuk, ewe Ngun mi Fel epwe affata ach anean me nukunuk pwe sia nom won ewe an ngeni manau esemuch, ach sipwe nom non famini feinfeino non ewe muun celestial.

Ren ekkoch, pwe pwapwa fochofoch epwe nikinikin ew apwangapwang ika fen ew anean mi moneno. Sam me in, semirit, pwich, me fefinach meni repwe finata met ra mochen ewe esap otufichir ngeni manau ese much. Meni kopwe fen pwan ekieki ika epwene wor om tufich ren ewe Achasefanin Jises Kraist.

Emon soufosun Kot a awora ngeniei ew kapasen aninis minne a ngeniei kinamwe. Uwa ani ourekin ika ekkewe mochen an ekkoch epwe fori an epwe weires ren ach kewe famini ar repwe chufengen feinfeino. A apasa, “Ka oureki ussun ewe osukosuk mi mwan. Ka fen manau nimenimoch ren ewe muun celestial, me ewe ototen famini epwe fen murinno nap seni om kopwe tongeni ekieki.”

Ngeni meinisin ekana ouwa fen sinei ika minne ar pupunu me nour semirit—ika suseni—ra awora ew ngunuwen ar anean, uwa ngeni kemi ai pwarata: Samach won Nang a sinei me tongei en pwe en Noun semirit non pekin ngun. Nupwen en mi nom ren me Noun ewe Achengicheng me mwen ei manau, Ra anomu non netipom ewe anean ka ani ren manau ese much. Ren ewe manamaen angangen ewe Achasefan an Jises Kraist me ren ewe emwen an ewe Ngun mi Fel, ka tongeni mefi iei me kopwe mefi non ewe fonufan epwap feito ewe famini a tongei Semom me Noun we Achengicheng a mochen kopwe angei.

Uwa pwarata pwe nupwen kopwe nom non nimenimoch ren ewe muun Celestial, ewe pwon mi nom non osuni pwe “kokkotun famini epwe kon murinno nap seni om kopwe sinei” epwe om.

AFANAFAN SENI EI PORAUS

Ekieki nepoputan ren om aporoua ekkewe ka osukuner ren ew fansoun nupwen ka kinisou ren ewe aneanen famini fochofoch. Tingor ngenir repwe ekieki ussun ei fansoun nupwen ra fen mefi kinisoun famini fochofoch. Eisinir ika ir ra mochen repwe aporoua. Ka tongeni tingorer repwe ekieki ekkoch anen ar repwe murinono me nimenimoch ren ewe muun celestial pwe ewe pwonon non osini ren “ototen famini . . . epwe kon murinno nap seni om kopwe tongeni sinei” a tongeni ar.

SERAFO

Aea Fengen Pwapwa Fochofoch

Ew me nein ekkewe auchean mettoch ussun ewe kapas allim, ewe ennet ussun ewe kokkotun manau ese much. A wor ach eingeingen tufich ach sipwe nom ren ach famini fochofoch. Ena ennet a anisikich an epwe wor ach anean nupwen sia mefi osukosuk ren

ei fonufan. Preseten Eyring a afanafana, “Samach mi tong won Nang a sinei netipach. An popun pwe epwe ngenikich pwapwa (nengeni 2 Nifai 2:25). Iwe nge I a ngeni kich ewe niffang ren Noun we an epwe fori an epwe tufich ewe pwapwan chufengenin famini ewe mi sotosopono feinfeino chok. . . . Ew niffang meini-sin noun Kot ekkewe ra feito won ei fonufan repwe mochen angei.”

Ena feioch a awenewen ngeni kich kewe sia manau iei me ngeni ekkewe ra sotosopono—nge ren chok ach aninis. Ach kewe neuo ra nom non ewe nenien ngun iei, ra utikich ach sipwe amonata iter ren ewe annukun tempel an epwe fis fan iter. Nge fan ekkoch epwe tongeni an epwe weires an epwe fis ewe angang fan iter. Meni sipwe kon osukosuk, ika sipwe nom towaw seni ew tempel ach sipwe nonno non.

Feiochun, mei pwan wor ekkoch anen ach sipwe tongeni anisi ach kewe neuo, ussun fori angangen uruon famini, ochufengeni ekkewe porous non ew chok an aramas repwe katon, ika tumunui kewe semirit fan iten samach me inach nupwen ra no ngeni ewe tempel. Ren ach aninis, sia anisi ewe Samon *me* wato ewe aneanen famini ese much ngeni ekkewe ra nom pwan ewe epek ren ewe eppet.

SEMIRIT

Famini Feinfeino Chok

Pokiten an Jises Kraist we Achasefan me ewe niwinsefaniton ekkewe kien pristut, sia tongeni nom ren ach famini feinfeino chok! Met ka sani ussun om ewe famini? Appiru ekkei kapasen aurour ne fori ei seinen taropwe ne apwapwai om famini.

1. Kopwe numi echo taropwe esop fan ru pwe epwe echo mi tam.
2. Chungani emon aramas poun epwe assonga nesopun ewe mi anunnuno.
3. Kateu ewe aramas. Kosap kateno ikewe ekkewe pau ra atapa nesopun ewe mi anunnuno.
4. Sukano. Makkei ika chungani och mettoch ka sani ussun emon me emonchon ewe famini.
5. Tepini fengeni okkoruoch sein ika om ewe famini mi watte!



Tumunu Fengeri Famini

Nuku, Famini, Aninis

Iotek nupwen ka stuti ei puk me kutta met kopwe aea. Ifa ussun om weweiti "An ewe Famini: Esinesin ngeni ei Fonufan" a anapano om nuku non Kot me efeiochu ekkewe ka tumunur ren chon amwa? Ren pwan ekkis poraus, kopwe nengeni reliefsociety.lds.org.

Mwan me fefin mi pupunu mi wor wiser ar repwe tongei me tumunu emon me emon me pwan nour kewe semirit.¹ "Ewe imw epwe an Kot nenien tong me aninis," Preseten Russell M. Nelson, Presetenin ewe Mwichen ekkewe Engon me Ruemon Aposel a apasa.

"Samach won Nang a mochen mwan me fefin mi pupunu repwe awora nukunuk fengen nefiner me repwe afona me tumunu nour kewe semirit pwe ir ra feito seni ewe Samon."²

Non ewe Puken Mormon, Jacob a apasa pwe ekkewe mwan ra tongei punuwer kewe fefin, me ekkewe fefin ra tongei punuwer kewe mwan, me punuwer kewe mwan me punuwer kewe fefin ra tongei nour kewe, ina popun ekkewe Chon Leiman ra aramas wene-char nap seni ekkewe Chon Nifai (nengeni Jacob 3:7).

Ew me nein ekkewe muri-non anen ach sipwe korato tong me muu non imwach kewe ren ach sipwe kapas murinno ngeni chochon ach ewe famini. Kapas murinno a wato ewe Ngun mi Fel.

Sister Linda K. Burton, peresetenin Fin Anisi unus, a erenikich ach sipwe nenengeni: "Fan fite sia kan ennetin" apasa kapas ni kirekiroch ngeni emon me emon?"³

Pwan ekkoch Wokisin

Rome 12:10; Mosaia 4:15; Doctrine and Covenants 25:5

Poraus mi Manau

Elter D. Todd Christofferson seni ewe Mwichen ekkewe Engon me Ruemon Aposel a aporaus ew porous a fisingeni nupwen an chok emon kukkun minne a ingeiti ussun ewe auchean tongen famini. Nupwen I me pwin kewe ra chok kamon at, iner we a reirei ren an ewe semwenin cancer iwe a fori an epwe fokkun metek an epwe aea poumwanin ewe. Ren at non ewe famini, a wor watten angangen ain, nge nupwen iner ewe a ain, a kan kouno me feino ngeni rumwan ewe an epwe kechiw tori an ewe metek epwe kukkununo.

Nupwen semen Elter Christofferson we a kuna met a fis, a kan opano an esap chiwen mongon

neanowas ren arapakan ew ier an epwe isonono senis an epwe naf ren an epwe moni ew mwesin an epwe amecheresano angangen ain. Ren an ewe tong ngeni punuwan we, a awora ew pisekin appirun tumun non an ewe famini ren noun kewe at. Ren ei kirekirochun foffor, Elter Christofferson a apasa, "Use mo fen pwan eteneki an semei we angangen fangeno. Me fofforon tong ren inei we non ena fansoun, nge iei uwa sinei, uwa apasa ngeni inisi, 'Ina emon mwan.'"⁴

ESINESIN

1. "An Ewe Famini: Esinesin ngeni ei Fonufan," *Liahona*, Nov. 2010, 129.
2. Russell M. Nelson, "Salvation and Exaltation," *Liahona*, May 2008, 8.
3. Linda K. Burton, "Sipwe fefeita fengen," *Liahona*, May 2015, 31.
4. D. Todd Christofferson, "Let Us Be Men," *Liahona*, Nov. 2006, 46.

Ekieki Usun Ei

Ifa ussun tong fengen me tumunu fengerikich a korato ewe Ngun mi Fel non imwach?